

Tē 2 kî 2000/7/20

Chóng-pian-chip Tē<sup>n</sup> Si-chong

Pian-chip Koa Khá-lē

Publisher Ko-hiōng Tân-gí Lô-má-jī Gián-sip-hōe

2000 nî 5 gòeh 20 jít chhòng-khan

---

## Hō Thòk-chiá

Tiu<sup>n</sup> Hòk-chû Hōe-tiú<sup>n</sup>

“Tâi-ôan-jī” tī 2000/5/20 chhut-pán āu, chin-chē lâng mñg kóng chái<sup>n</sup>-iū<sup>n</sup> beh iōng chit ê sū?

Che chiū-sī góan chhut-pán chit ê khan-bút ê góan-ì chit hāng: ín-khí tāi-ke ê koan-sim, thó-lūn. Kap tāi-ke chò-hóe lâi kek thâu-náu (brainstorming).

Lán nā siōng-sè lâi siū<sup>n</sup>: Hiān-chhú-sî tòa tī Tân-ôan 2,300 bān ê jîn-kháu lāi-té, tau-té ū lôa chē lâng ū góan-chû bîn (GCB) ê hiat-thóng ? Kin-kù Sím Kiàn-tek phok-sû ê gián-ki ù, ū beh óa 95%!! Nā-sī án-ne, lán beh mñg..ê sī: GCB ê gí-giân sī sím-mih? Sī Lâm-tó-gí (Austronesian)! Che tī gán-chêng ê Tân-ôan sī kok-bîn tiong-hák ê hák-seng lóng chai ê siōng-sek! Án-ne tiòh hui-siōng chheng-chhó lah! Lâm-tó-gí m-sī Hán-gí. Bô sím-mih lí-iû sú-iōng Hán-jī. Hán-jī phái<sup>n</sup> ôh, phái<sup>n</sup> siá, phái<sup>n</sup> jīn, koh phái<sup>n</sup> kì! Jî-chhiá<sup>n</sup> Hán-jī khiàm-khoat thiú-siōng su-khó só su-iàu ê chò-liâu (iàu-sò), sok-pâk lán náu-pō chhòng-chô ê khong-kan kap lêng-lék.

Che kan-ta<sup>n</sup> sī siau-kèk ê chit pêng. Chek-kèk ê chit bîn sī: Lán nā chin-chià<sup>n</sup> ū hoat-tō iōng LMJ lâi chò su-bîn-gí, lán ê bûn-hòa chiah chià<sup>n</sup>-sit ê-tit-thang hā<sup>n</sup>-jip sè-kài. Tân-ôan ê chiân-tô tī sè-kài, kiám m-sī--leh? Iōng LMJ koh ū chit tiám chin chán..ê: chhòng-chô sin sû/koan-liâm khah kín. Phí-jû GCB chiū-sī góan-chû-bîn. TOLsī Tân-ôan lâng, TGL sī kóng TG ê lâng; nā-sī TBL sī ê-hiáu siá TB ê lâng. Tau-sa<sup>n</sup>-kāng si sa<sup>n</sup>-kēng, góan hoat-hiân lêng-gôa chit ê sû kiò “sio-keng”, i-sù kap sa<sup>n</sup>-kēng sio-kāng, m-kú chhut koh khah chē sî-kan, kim-chî<sup>n</sup> kap khùi-lát! Án-ne lán ê gí-sû chin kín chiū thang ke-thi<sup>n</sup> chiâ<sup>n</sup> chē, chiâ<sup>n</sup> chē!

Che chiū-sī góan chû-tiu<sup>n</sup> TOJ ê kán-tan koh sit-châi ê in-toa<sup>n</sup>.

---